

ARREST MEMORABLE

RENDU AV CONSEIL

Priué du Roy.

Entre Monseigneur le Cardinal Mazarin,
Abbé & General de l'Ordre de Cluny:
Et Messire François de Nesmond Abbé
de Chesy interuenans, avec D. Paul Vvil-
laume & D. Benoist Schuvalier Reli-
gieux Benedictins.

*Contre les Peres Iesuites d'Allemagne, pour trois
Prieurez, scituez en Alsace.*

A PARIS,

M DC. LIV.

50
E. 4. 1101. Tw. 1753

A R R E S T

M E M O R A B L E

R E N D U A U C O N S E I L

Pris du Roy.

Enseigne-Montaigne le Cardinal Mazarin
Abbe & General de l'Ordre de Cluny
Et Messire Frisco de Neuchâtel
de Chexy intermédiaire avec D. Paul Weil
Jaurie & D. Benoît Schwaizer Rott
général Bonifacio.

Contre la Tercie Lettre d'Almanach, pour trois
Principes d'Almanach.

A B A R E S

M D C L V

ARREST MEMORABLE

rendu au Conseil Privé du Roy : Entre Monseigneur le Cardinal Mazarin Abbé & General de l'Ordre de Cluny : Et Messire François de Nesmond Abbé de Chesy interuenans, avec D. Paul Villaurme & D. Benoist Schuvalier Religieux Benedictins: Contre les Peres Iesuites d'Allemagne, pour trois Prieurez scituez en Alsace.

Extraict des Registres du Conseil Privé du Roy.

EN T'RE les Recteurs des trois Colleges de la Compagnie de Iesus de Selestat, Ensisheim en Alsace, & Fribourg en Briggau, soy disans Prieurs des Prieurez de S. Valentin, S. Morand, & S. Iacques, demandeurs en Requête suiuant l'Arrest du Conseil interuenu sur icelle le vingt-huictiesme Mars 1653. d'une part.

Et Dom Paul Villaurme Vicair General de l'Ordre de Cluny en Allemagne, &c. Et Benoist Schuvalier, Religieux Benedictins, aussi soy disans Prieurs desdits Prieurez de S. Valentin, S. Morand & S. Iacques deffendeurs d'autre.

Et lesdits Recteurs destrois Colleges demandeurs en Requête verballée inserée dans l'appoinctement du reglement du 7. Iuillet 1653. d'une part.

Et lesdits Villaurme & Schuvalier deffendeurs d'autre.

Et Messire François de Nesmond Abbé de Chesy receu partie interuenante suiuant la Requête par luy présentée, & Ordonnance du Conseil estant au bas, du 23. May audit an.

Et encore lesdits Villaurme, Schuvalier & sieur de Nesmond aussi demandeurs en Requestes verballes inserées dans l'appoinctement du 28. Iuin audit an 1653. d'une part.

Et lesdits Recteurs destrois Colleges deffendeurs d'autre part.

Sans que les qualitez puissent nuire ny preiudicier aux parties.

Et le sieur Armand de Bourbon Prince de Conty, Abbé, Chef & general Administrateur perpetuel de l'Abbaye & de tout l'Ordre de Cluny, receu partie interuenante, suiuant l'Ordonnance du Conseil au bas de sa Requête, du 9. Decembre 1653. d'autre.

Et le sieur Cardinal Mazarin Abbé & General dudit Ordre de Cluny aussi receu partie interuenante en la presente Instance, suiuant sa Requête & Ordonnance du Conseil au bas d'icelle, du 21. Auiril dernier 1654. d'autre.

VEV PAR LE ROY en son Conseil ladite Requête présentée en iceluy par lesdits demâdeurs ledit iour 28. Mars 1653. tendant à ce qu'il pleust à sa Majesté, sans s'arrester aux Arrests du grand Conseil des 5. Septembre.

A

& 5. Octobre 1652. portant retention de la cause des deux Prieurez de S. Morand & S. Iacques, lescdites parties, leurs procez & differends, circonstances & dependances estre renuoyées pardeuant la Cour Souueraine d'Ensisheim, Iuges ordinaires des lieux, ou pardeuât les sieurs Commissaires deputez pour l'execution du Cōcordat des deux Courōnes, pour proceder entr'elles ainsi que de raison, avec deffence de proceder ailleurs: Et cependant ordōner que lescd. demādeurs seroient reintegrez en la possession & iouyssance desdits Prieurez, comme ils estoient auparauant qu'ils en ayent esté expulsez par lescdits Vvillaume & Schualler; Pour raison dequoy qu'il seroit informé de la violence & voye de fait par eux commise, avec inionction aux Gouverneurs & Lieutenans de sa Majesté dans les deux Alsaces, de prester main forte, si besoin est, ausdits demandeurs pour ladite reintegrande & execution de l'Arrest qui interueniendroit. Sur laquelle Requête est interuenu ledit Arrest du Conseil dudit iour 28. Mars audit an 1653. par lequel est ordonné, qu'aux fins d'icelle les parties seroient assignées audit Conseil, pour icelles ouyes leur estre pourueu ainsi que de raison: & cependant suris à toutes poursuites audit grand Conseil. Exploict d'assignation donné en consequence audit Conseil ausdits deffendeurs, du 1. Auiil ensuiuant: Appointement signé audit Conseil du 28. Iuin 1653. contenant les Requestes verbales desdits Vvillaume & Schualler & dudit sieur de Nesmond: sçauoir celle desdits Vvillaume & Schualler, à ce que ledit Vvillaume soit reintegré en la possession & iouyssance dudit Prieuré de S. Valentin de Ruffach comme il estoit auant sa spoliation, & lescdits demandeurs condamnés à la restitution des fruiets, tiltres, meubles, ornemens d'Eglise, dommages & interests tels que de raison, & en tous les despens de l'instance: Et celle dudit sieur de Nesmond, tendant à ce qu'il pleust au Conseil ordonner que ledit sieur interuenant sera reintegré en ses droicts, Et ledit Vvillaume remis en possession & iouyssance dudit Prieuré de Sainct Valentin de Ruffach, ainsi qu'il estoit auant qu'il en eust esté spolié, & lescdits demandeurs condamnés à la restitution des meubles, fruiets & reuenus dudit Prieuré, dommages, interests, & despens de l'instance. Autre appointement de reglement pris au Conseil entre les parties du 7. Iuillet audit an 1653. contenant ladite Requête verbale desdits demandeurs, à ce que lescdits Vvillaume & Schualler soient condamnés leur rendre & restituer tous & chacuns les meubles & autres choses à eux appartenans & dependans desdits Prieurez, dont ils se sont saisis: Et en outre les condamner aux despens; Arrest dudit Conseil du 8. Aoust audit an 1653. donné entre lescdites parties sur procez verbal de referé, portant que ledit appointement dudit iour 7. Iuillet 1653. seroit executé, dans lequel seroit adiousté à toutes lescd. parties la qualité de, soy disants Prieurs desdits Prieurez: Ensemble les dires & Requestes verbales inserées dans l'appointement du 28. Iuin audit an; Et que ledit Recteur de Selestat demeureroit partie en l'instance, & acte de sa declaration, pour en iugeant y estre fait droit: Et au bas est l'exploict de signification du 9. dudit mois d'Aoust audit an 1653. Ladite Requête d'intervention dudit sieur Prince de Conty, dudit iour 9. Decembre 1653. tendant à estre maintenu diffinitiuement au droit & possession, vacance arriuant desd. Prieurez de S. Iacques & S. Morand, de les conferer pleinement, ainsi que tous

3

les predecesseurs Abbez de ladite Abbaye de Cluny ont fait par le passé ; Et lesdits Religieux par luy pourueus, en la possession & iouissance desd. Prieurez ; & lesdits Iesuites condamnez à tous despens, dommages & interets, avec restitution de fruits. Exploit de signification d'icelle du 10. dudit mois : Ladite Requête d'interuētiō dudit sieur Cardinal Mazarini dudit iour 21. Auril dernier, tendant à estre maintenu & gardé au droit & possession, vacance arriuant, de conferer pleinement lesdits Prieurez de S. Jacques, & S. Morand, ainsi que tous ses predecesseurs Abbez de lad. Abbaye de Cluny : Et lesdits Vvillaume & Schualler en la possession & iouissance d'iceux, & en debouter lefd. Recteurs avec restitution de fruits, & les condamner aux despens, dommages & interets: Exploit de signification d'icelle du 22. dudit mois d'Auril dernier. Coppie sans datte d'une attestation des Doyen, Chanoines & Chapitre de Strasbourg, comme ledit Prieuré de S. Valentin a esté bien conféré ausd. demandeurs: Coppie de Declaration du Roy du mois de Iuin 1638. par laquelle il a confirmé lefd. demandeurs dans la possession dudit Prieuré de S. Valentin. Coppie d'autre Declaration de sa Majesté du mois de Ianuier 1645. par laquelle elle auroit confirmé aux demādeurs tous les Benefices vnicalement à leursd. Colleges du consentement des Collateurs ordinaires: Coppie d'attestation du 17. Septembre 1651. du sieur Baron de Vvolmar, Plenipotentiaire de l'Empire, comme led. Prieuré de S. Valentin a esté bien conféré ausd. demandeurs: Coppie de lettres missiues du sieur d'Auanguor, escrete au sieur de Charleuois du 18. desdits mois & an, pour faire maintenir lesdits demandeurs en la possession dudit Benefice: Coppie de Lettre de cachet de sa Majesté de 12. Décembre audit an 1651. escrete audit sieur de Charleuois en faueur desd. demandeurs: Coppie d'autre Lettre de cachet de sadite Majesté du 18. Mars 1652. escrete au sieur Intendant de la Iustice en Alsace, pour faire maintenir lesdits demandeurs en la possession desd. Benefices: Coppie imprimée des articles & traittez de Paix du 24. Octobre 1648. faits entre l'Empire, la France, & leurs Alliez, contenant entr'autres choses la decision des demādes & differents des parties: Sçauoir, que les Electeurs, Princes & Estats, mesme la Noblesse, releuant immediatement de l'Empire, & leurs vassaux, sujets & autres qui ont receu quelque dommage à cause des mouuemens de la Boheme & de l'Allemagne, ou des alliances faites de part & d'autre, seront par le benefice de cette Paix pleinement remis & restituez en leurs biens, dignitez & droits sacrez & profanes, qu'ils possedoient, ou auoient droit de posseder auant leur destitution, tout ce qui a esté fait au contraire demeurant annullé. Memoire en Latin, non datté, ny signé, contenant les voyes de faits commises par lesdits deffendeurs. Coppie de Commission du grand Conseil du 21. Mars 1652. obtenue par lesdits deffendeurs, pour y faire assigner lefd. Recteurs d'Ensisheim & Fribourg: Prouisions dudit Prieuré de S. Valentin de Ruffach expedies audit Vvillaume par ledit sieur Abbé de Chesy du 29. Auril 1644. au dos desquelles est l'acte de prise de possession du 9. Septembre suiuant: Coppie collationnée de lettre de cachet de sa Majesté du 6. May audit an adressant au sieur Gouverneur de Colmar & Ruffach, pour faire mettre ledit Vvillaume en possession dudit Prieuré: Mandement des Officiers de l'Euesché de Strasbourg du 24. May

1651. à ce que les Officiers dudit Ruffach eussent, suivant la volonté du sieur Archiduc Leopold, à mettre ledit Vvillaume & tous les Religieux, mesme par force & violence, hors dudit Prieuré; & au bas est le proces verbal d'exécution dudit mandement du 2. Iuin ensuiuant: Proces verbal du 5. desd. mois & an, contenant la plainte dudit Vvillaume pardeuant le Lieutenant general de Brisac touchant lad. spoliation, & ensemble l'appel cōme de Iuges incompetens. Prouisions dudit Vvillaume du 12. Iuillet 1651. par luy obtenues du sieur Prince de Conty Abbé de Cluny dudit Prieuré de Veldbach, Diocese de Basle sur la demission de F. Theophile Guillot: Acte de prise de possession dudit Prieuré du 7. Septembre ensuiuant: Proces verbal de l'estat & ruines dudit Prieuré du 9. desd. mois & an: Bail fait du reuenue dudit Prieuré le penultiesme May 1658. par F. Iean Nicolin, à l'Abbé & Religieux de Lucelle aux conditions y mentionnées, & outre ce moyennant la somme de six cens florins par chacun an: Coppie de quittance du 14. Decembre 1650. dudit Nicolin pour la sōme de 350. florins par luy receuë sur le prix dudit Bail: Coppie de sousbail du 1651. fait par ledit Abbé de Lucelle aux Iesuites d'Ensisheim du reuenue dudit Prieuré: Acte signé & scellé par le Recteur desdits Iesuites, portant les reserues & conditions auxquelles ils s'estoient obligez suivant ledit sous-bail. Prouisions du 27. Aoust 1651. expedies audit Schualler par ledit sieur Prince de Conty dudit Prieuré de S. Morand en Alsace; Acte de prise de possession d'iceluy du 2. Septēbre audit an: Enqueste ou informatiō du 20. May 1652. faite de l'estat auquel estoit ledit Prieuré, enonçant par noms & surnoms les Religieux Benedictins qui y estoient encore residants à la venue des Iesuites: Coppie de lettres missiues du 21. Nouembre 1653. escrete par l'Empereur Ferdinand au Cardinal Columna, pour obtenir vn Decret du Pape en faueur desdits Iesuites. Deux Arrests du grand Conseil des 5. Septembre & 5. Octobre 1651. contradictoirement rendus entre les parties portant retention de leurs differends: Coppie imprimée des Lettres patentes de sa Maiesté du 28. Octobre 1656. portant attribution audit grand Conseil de tous les proces & differends meus pour raison des droicts, biens & Benefices dependans de la Congregation de saint Vanne, & au bas est l'Arrest de la verification en Parlement du 1. Nouembre ensuiuant: Coppie d'autres Lettres patentes de sa Maiesté du 24. Iuin 1645. obtenues par ledit sieur Prince de Conty, portant confirmation des Priuileges dudit Ordre, avec l'euocation generale de leurs differends, & renuoy d'iceux audit grand Conseil, & au bas est l'Arrest de verification audit grand Conseil du 17. desdits mois & an. Traicté de Munster du 24. Octobre 1648. par lequel entre autres choses il a esté specifié, que l'accord & cōuention faite sur le Traicté precedent de la Reine de Suede avec l'Empereur touchant les biens d'Eglise, sera executé ponctuellement: ledit Traicté d'entre l'Empereur & la Reine de Suede des 27. Iuillet & 5. Aoust audit an 1648. par lequel en l'article 5. nombre 9. est ordonné la restitution des Monasteres & biens Ecclesiastiques à ceux qui en estoient en possession en Iannier 1624. non toutefois à autres Religieux qu'à ceux de l'Ordre, pour lequel ils ont esté fondez. Autre extrait de diuers articles dudit Traicté. Requeste présentée au Conseil par ledit sieur de Nesmond interuenant du 23. May 1653. par laquelle il est receu partie interuenante en ladite instance d'entre les parties,

signifié le 24. desd. mois & an : Moyens d'interuention dudit sieur de Nesmond
signifiée le 29 dudit mois de May audit an. Autre Requête par luy présentée
audit Conseil touchant la spoliation dudit V. villaume dudit Prieuré de S. Va-
lentin de Ruffach: Coppie de Lettre de cachet de sa Majesté des 7. 8. & 9.
Iuillet 1651. écrite en suite aux sieur Prince François de Lorraine Euesque
de Verdun & sieur de Charleuois commandant dans Brisach, aux fins de re-
stabilir ledit V. villaume, & reparer les entreprises desdits Iesuites & Officiers
de l'Euesché de Strasbourg: & en suite desquelles sont coppies d'autres Let-
tres missiues écrites à mesmes fins par les sieurs Comte de Brienne & Presi-
dent de Nesmond: Bulle du Pape Lucius III. de l'an 1184. confirmatiue du-
dit Prieuré de S. Valentin, en faueur des Abbez & Religieux de Chesly: Cop-
pie de Sentence du dernier Iuillet 1653. donnée entre les parties par les Gou-
uerneurs, Regents & Lieutenans pour le Roy. dans la haute & basse Alsace,
portant entr'autres choses, Que la possession dudit Prieuré de S. Valentin
seroit mise en sequestre & main tierce, sans preiudice du droit des parties,
pourquoy elles ont esté renuoyées pardeuant le Iuge competent. Arrest du
Conseil du 30. Septembre dernier 1653. donné contradictoirement entre
lesd. parties: Par lequel sa Majesté s'est retenu à elle & à son Conseil la con-
noissance des procez & differends desd. parties, & ordonné qu'elles adiouste-
roient à leurs productions au principal, tout ce que bon leur sembleroit dans
trois iours pour tout delay, pour au rapport du sieur Commissaire leur estre
fait droit ainsi que de raison, despens reservez, signifié le 2. Octobre audit an
1653. Acte du 6. iour dudit mois, par lequel lesdits demandeurs ont déclaré,
Que pour satisfaire de leur part audit Arrest de retention, ils employent ce
qu'ils ont escrit & produit en ladite instance: Requête présentée au Conseil
par lesd. V. villaume & Schualler deffendeurs du 10. Octobre audit an 1653.
& par eux employée avec les vingt pieces y enoncées pour addition de pro-
duction, pour satisfaire aussi de leur part audit Arrest de retention; & au bas
est l'ordonnance du Conseil portant lesdites pieces receuës, Acte dudit em-
ploy & au surplus en iugeant; & en suite est l'exploit de signification du 18.
Nouembre audit an. Vnze pieces des 21. Octobre 1625. & autres iours & ans
suinās, cōtenant les actes de capacité, de Professio & Prestriue desd. V. villaume
& Schualler: Coppie de Bail du 30. Mars 1621. dudit Prieuré de S. Jacques
de Veldbach fait pour 12. années au sieur Abbé & Religieux dudit Lucelle,
auquel est relatif le precedent de l'année 1628. Memoire non signé du 14.
Auril 1621. des meubles, argenteries & ornemets d'Eglise, escrit par le Prieur
dudit Prieuré, qui estoit en lad. année 1621. Inuentaie des Tiltres dudit Prieu-
ré du 15. desd. mois & an, baillez audit sieur Abbé & Religieux, & depuis
mis es mains des Peres Iesuites d'Ensisheim en l'année 1630. en vertu de leur
sous-bail. Deux coppies de Lettres missiues du 9. Decembre 1651. écrites
par l'Archiduc d'Ispruch au Cardinal Columna, pour obtenir l'union de
Veldbach: Coppie d'Arrest sur deffault du 24. Mars 1653. donné audit grand
Conseil au profit dudit V. villaume contre lesd. demandeurs: Coppie de Let-
tres monitoires obrenuës par lesdits demandeurs du 6. Aoust audit an, pour
faire citer lesd. deffendeurs à Rome, dās lesquelles est inserée coppie de la Bulle
dudit Prieuré de S. Morand obtenue par lesd. demandeurs, portant reserve du

droit & d'autrui : Coppie de Lettre missive du 7. Juillet 1631. escrite par le Recteur de Fribourg au Pere Schiez, estant lors audit Prieuré. Requête présentée au Conseil par ledit sieur de Nesmond interuenant du 27. Novembre 1633. pour satisfaire de sa part audit Arrest de retention, par laquelle luy est donné acte de son employ, & les pieces y enoncées receuës, & au surplus en iugeant; & au bas est l'exploit de signification du 28. desdits mois & an: Acte capitulaire du 24. Mars 1399. fait en Chapitre par les Abbez & Conuent de Chesy, portant reglement pour les Religieux dudit Prieuré de sainct Valentin leurs Confreres: Prouisions dudit Prieuré au profit de F. Nicolas Terrastre Religieux de Chesy du 3. Feurier 1598. apres le deceds de F. Adrian Verdor son predecesseur. Procez verbal de prise de possession d'iceluy, par autorité de la Chambre d'Ensisheim, du 11. Iuin audit an: Acte de Profession de F. Nicolas Verdor en l'Abbaye de Chesy le 3. Octobre 1593. Prouisions dudit Prieuré données par l'Abbé de Chesy à F. Jacques Boissot Religieux de S. Denys, apres le decez dudit Verdor, du vingtiesme Mars mil six cens trente-six. Arrest rendu au Parlement de Paris le dixiesme Iuin audit an, pour prendre possession dudit Prieuré par ledit Boissot: Prise de possession faite en suite le 23. desdits mois & an. Requête desdits Recteurs aux fins de faire recevoir le monitoire susdit, & d'auoir acte, de ce que pour contredits contre les productions desdits deffendeurs & interuenans, ils employent le contenu en icelle. Ordonnance du Conseil au bas de ladite Requête portant, soit la piece receuë, & Acte, du 11. Decembre 1653. signifiée le 13. dudit mois: Autre Requête desdits Recteurs, aux fins d'auoir delay de quatre mois, pour recouurer leurs Tiltres, & cependant surseoir; au bas de laquelle est l'ordonnance du Conseil portant, soit communiquée aux parties, du 18. dudit mois signifiée le 20. Arrest du Conseil interuenu sur icelle, portant delay d'un mois sans esperance de plus: Autre Requête desdits Recteurs aux fins de faire recevoir deux declarations du sieur Prince de Conty, & du Procureur general de l'Ordre de Cluny; la premiere en datte du 15. Novembre 1653. & la seconde du 12. Feurier dernier; Ordonnance au bas d'icelle portant, soient les pieces receuës, du 18. dudit mois, signifiée le iour suiuant; lesdites pieces sus-mentionnées: Requête de Contredits desdites pieces par lesdits deffendeurs. Autre Requête desdits deffendeurs, aux fins de faire recevoir le certificat & Lettres missives des 14. Aueil 1653. & 21. Octobre 1609. Ordonnance au bas d'icelle, portant, soient les pieces receuës, du 28. desdits mois & an, signifiées le dernier dudit mois de Feurier: lesdits certificat & lettres: Requête desdits Recteurs aux fins de faire recevoir deux pieces, sçauoir, coppie de ladite Bulle de S. Morand du 7. Aoust 1616; Et la donation dudit Prieuré faite par l'Archiduc d'Inspruch audit College de Fribourg le 9. Aoust 1630. & confirmée par l'Empereur: Ordonnance au bas de ladite Requête, portant, soient lesdites pieces receuës & communiquées, du 18. Mars dernier, signifiée le iour ensuiuant. Requête desdits deffendeurs au Conseil, seruant de Contredits contre lesd. deux pieces, du 20. dudit mois, signifiée le 21. Autre Requête desdits Recteurs aux fins de faire recevoir le Concordat Germanique de l'an 1447. & vn Liure composé par Paul Layman. intitulé, *Iusta Defensio*, dans lequel sont inferées trois Bulles des Pa-

pes, & vn Catalogue de plusieurs Monasteres alienez ou transferez d'un
ordre à l'autre : Ordonnance au bas d'icelle, portant, soient receuës, du 23.
dudit mois de Mars, signifiée le vingt-quatriesme; lesd. pieces sus mention-
nées. Requeste desdits deffendeurs seruant de Contredits à la susdite Reque-
ste & pieces dudit iour, signifiée le mesme iour. Requeste desdits Recteurs
pour faire recevoir vn cahier imprimé du Poulliez des Benefices de l'Ordre
de Cluny, du 22. Aurl : Requeste desdits deffendeurs dudit iour, seruant de
Contredits à ladite piece, signifiée le 23. dudit mois. Autre Requeste desdits
deffendeurs pour faire recevoir vne coppie collationnée de la fondation du
Prieuré de S. Iacques de Veldbach de l'Ordre de Cluny au Comté de Fer-
rette Diocese de Basse; au bas de laquelle est l'ordonnance, portant, soit la
piece receuë, du 25. Iuin audit an, signifiée le mesme iour. Requeste desdits
Recteurs aux fins de faire recevoir les Bulle, nominations, confirmations,
carte Geographique, & autres pieces y enoncées; Ordonnance au bas d'i-
celle, portant, soient les pieces receuës, dudit iour 25. Iuin, signifiée le mes-
me iour: lesdites pieces enoncées en ladite Requeste. Requeste desdits de-
ffendeurs dudit iour, seruant de Contredits contre la susdite Requeste &
pieces, signifiée le mesme iour. Requeste dudit sieur Abbé de Chesy, aux fins
d'estre receu opposant à l'execution de ladite pretenduë Bulle, & à tout ce
qui s'en est ensuiuy; Et faisant droit sur ladite opposition, & sans s'arrester
à ladite coppie de Bulle, informe, nulle, & subrepticement obtenuë, laquelle
doit estre reietée, l'original ne paroissant pas à dessein, parce qu'on preuoit
que ledit Suppliant seroit tres-bien fondé à en appeller comme d'abus, ainsi
qu'il proteste de faire quand on l'aura rapporté, luy adiuger ses fins & con-
clusions, avec tous despens, dommages & interets, & luy donner acte de sad.
protestation, & de ce que pour causes & moyens d'opposition, & pour Con-
treredits à ladite coppie de Bulle & autres pieces produites par lesdits Iesuites;
Il employe tout ce qui a esté par luy dit & produit au procez avec ladite Re-
queste, au bas de laquelle est l'ordonnance du Commissaire, portant, en iu-
geant sera fait droit du 4. Iuillet 1654. signifiée le 6. dudit mois. Requeste
dudit sieur Cardinal Mazarin, Abbé & General de l'Ordre de Cluny, aux
mesmes fins d'estre receu opposant à l'execution de ladite pretenduë Bulle
d'vniõ de S. Morand au College de Fribourg, & à tout ce qui s'en est en-
suiuy, avec protestation d'en appeller comme d'abus quand on rapportera
l'original, & recevoir la fondation en parchemin dudit Prieuré de S. Iacques
de Veldbach; Et faisant droit sur l'opposition, declarer ladite vniõ nulle-
ment, subrepticement, & abusiuement obtenuë, Et sans y auoir esgard luy
adiuger ses fins & Conclusions, avec tous despens, dommages & interets,
& luy donner acte de sa protestation, & de ce que pour contredits à la pro-
duction desdits Iesuites; Et pour causes & moyens d'opposition il employe
tout ce qui a esté par luy dit & produit: Ordonnance au bas de ladite Re-
queste, portant, soit la piece receuë, & au surplus en iugeant, dudit iour 4.
Iuillet, signifiée le 6. Escritures & productions desdites parties, Et tout ce
que par elles a esté mis, escrit, & produit par deuers le sieur Poncet Rappor-
teur de l'instance, qui en a communiqué suiuant l'ordonnance du Conseil aux
sieurs d'Ormesson, de la Marguerie, Destampes, de Vertamont, & de

Villemontée, Conseillers ordinaires du Roy en son Conseil d'Etat, Commissaires à ce deputez. Ouy son rapport, & tout considéré:

LE ROY en son Conseil faisant droit sur ladite instance, & ayant esgard ausd. interuentions, a maintenu & gardé, maintient & garde, Sauoir ledit Frere Paul Villaume en la possession & iouissance desdits Prieurez de S. Valentin de Ruffach & S. Jacques de Veldbach, & ledit Frere Benoist Schualler en la possession & iouissance dudit Prieuré de S. Morand: Fait deffenses ausd. demandeurs & tous autres de les troubler ny inquieter pour ce regard. Ce faisant, Ordonne que les sequestres videront leurs mains en celles dudit Villaume, sans restitution des fruits des Prieurez mentionnez es coppies desdites Bulles d'union, perceus par lesdits demandeurs auant ledit sequestre: Et auant faire droit sur les demandes respectiue ment faites par lesdites parties pour restitution des Reliques, Ornaments, Tiltres, meubles, & autres choses estans cy-deuant esdits Prieurez; A ordonné & ordonne que les parties dans deux mois contesteront plus amplement sur icelles pardeuant le sieur de Bauffan Intendant audit pais d'Alsace, adiouteront à leurs productions, & escriront tout ce que bon leur semblera deux autres mois apres ledit delay, pour le tout veu, & rapport fait par ledit sieur Commissaire, estre fait droit sur lesdites demandes ainsi qu'il appartiendra. Ordonne sadite Majesté que ledit sieur de Bauffan tiendra la main à l'exécution du present Arrest; lequel sera executé, nonobstant opposition ou appellation quelconque, & sans preiudice d'icelle, pour lesquelles ne sera différé, dont sadite Majesté s'est reserué la cognoissance & à sondit Conseil sans despens de l'instance. Fait au Conseil Priué du Roy tenu à Paris le 4. Aoust 1654. Collationné.

Signé,

DE MONS.

L OVIS PAR LA GRACE DE DIEV ROY DE FRANCE ET DE NAVARRE: Au premier des Huissiers de nos Conseils, autre Huissier ou Sergent des lieux sur ce requis: Nous te mandons & commandons que l'Arrest de nostre Conseil, dont l'Extrait est cy attaché sous le contrefeul de nostre Chancellerie, ce iourd'huy donné entre les Recteurs des trois Colleges de la Compagnie de Iesus de Selestat, Ensisheim en Alsace, & Fribourg en Brisgau, soy disans Prieurs des Prieurez de S. Valentin, S. Morand & S. Jacques demandeurs d'une-part; & Dom Paul Villaume & Benoist Schualler deffendeurs: Et François de Nesmond Abbé de Chisy, & nos treschers Cousins le sieur Armand de Bourbon Prince de Conty, & le sieur Cardinal Mazarini interuenans, & lesdits Villaume & Schualler, demandeurs; & lesd. Recteurs deffendeurs: Tu signi-
fies

9
fies à tous ceux qu'il appartiendra, à ce qu'ils n'en pretendent
cause d'ignorance, leur faisant de par nous les deffenses y con-
tenuës. Et en outre fais commandement aux sequestres des
fruits desdits Prieurez, de vuidier leurs mains en celles dudit
Villaume, & en cas de refus, les contrains par toutes voyes
deuës & raisonnables, nonobstant oppositions ou appellations
quelconques. Et assignes lesdits Recteurs à comparoistre dans
deux mois pardeuant le sieur de Bauffan Intendant audit pais
d'Alsace, pour y contester plus amplement touchant la restitu-
tion respectiue demandée des meubles & autres choses
mentionnées audit Arrest; pour l'entiere execution duquel, à
la Requête desdits deffendeurs & Interuenans, fais tous au-
tres actes & exploiës requis & necessaires: sans pour ce de-
mander autre permission ny pareatis. Prions & requerons tous
ceux que besoin sera, de permettre & souffrir l'execution de
nostredit Arrest, leur offrant le semblable en cas pareil. Enioi-
gnons audit sieur de Bauffan Intendant, de tenir la main à l'e-
xecution d'iceluy, lequel voulons estre executé, nonobstant
oppositions ou appellations quelconques, & sans preiudice d'i-
celles, pour lesquelles ne sera differé, desquelles si aucunes in-
teruiennent, nous en auons reserué la connoissance & à nostre-
dit Conseil. Et d'autant que dudit Arrest & des presentes l'on
pourroit auoir affaire en plusieurs & diuers lieux, Nous vou-
lons qu'aux coppies d'icelles deuëment collationnées par l'un
de nos amez & feaux Conseillers & Secretaires, foy soit adiou-
stée comme aux originaux. Car tel est nostre plaisir. Donnée
à Paris le 4. Aoust, l'an de grace mil six cens cinquante-quatre,
& de nostre regne le douziesme. Signé, Par le Roy en son
Conseil, DEMONS.

*Collationné aux Originaux, signés de Mons, & scellés,
par moy Conseiller & Secretaire du Roy, Maison
& Couronne de France, & de ses Finances.*



